

貯種、隨行隨種、務使均勻。犁隨掩過、覆土既深。雖暴
雨不至槌撻。暑夏最爲耐旱。且便於撮鋤。今燕趙間
多用之。又曰菜茹有畦、瓜瓠果蓏、殖於彊場、則是五
穀之外。蔬蓏亦不可闕者。故穀不熟曰飢。菜不熟曰
饑。物理論云、百穀者、三穀各二十種。菜果各二十種。
共爲百穀。蓋蔬果之實、所以助穀之不及也。是故烹
葵食瓜。乃繫之豳風農桑之詩。畜菜取蔬、互見於月
令。收歛之後。然地有肥瘠。能者擇焉。時有先後。勤者
務焉。